

Þórarinn Torfason

LOKAÐUR LÓFI

©Þórarinn Torfason 2014
Endurskoðuð 2020

VAKNA AÐ MORGNI

Vakna
að morgni

og
teygi út
hendurnar

eftir
ljóðum
og sögum
sem á
kreiki eru
í huganum

Horfi
á eftir þeim
leysast upp

Hverfa

MERKING ORÐANNA

Hafðir lengi

allt of lengi

reynt að höndla orðin

sem hengu í loftinu

án árangurs

En

svo skyndilega

og alveg óvænt

laukst merking

þeirra upp

Þú

verður aldrei samur

LOKAÐUR LÓFI

Sleppir lausum

orðunum

sem þú faldir

í lokuðum lófa

Leyfir

þeim að flögra

hvert

sem þau vilja

AÐ VORI

Vakna
að vori

eftir
langan
svefn

Leita ætis

Finn
aðeins orð

er
á jörðinni vaxa

TÍMI

Tíminn líður

stundum

svo hægt

Bíður

þess eins

að hann

taki enda

HEIMSÓKN

Heimsóknin

til þín

svo góð

Nema

þegar þú

lagðir hnífinn

að hálsinum

Annars

var hún

bara góð

VEGURINN

Vegurinn
hlykkjast
upp fjallið

Grunar hvað
leynist efst

Þorir
þó ekki
að orða
grun þinn

MYRKUR

Niður himinninn
skríður myrkrið löturhægt

Leggst yfir þig
sem stendur í fjöruborðinu

Einn

Mænir á hafið

Og
fyrr en varir
er allt hulið myrkri

Einnig þú og hafið

VERKIR

Verkirnir
í brjóstinu
nánast
óbærilegir:

Fuglarnir
sem hafa
hreiðrað um sig
fljúga út

HORFUM SAMAN

Horfum

saman

á sólina

áður en

annað

tveggja gerist:

ský

dregur fyrir sólu

eða

augu

okkar lokast

endanlega

Í REGNI

Þegar
regnið
bylur á
bústað mínum

lágrestum
í hlíðinni

sit ég
við gluggann

og horfi á
flugfiskana
synda
í regninu

EYÐIMÖRK

Ætíð

er þú lítur út

um glugga þinn

blasir við þér

eyðimörkin

sem þig langar

stundum

til að ganga

Freista þess

að komast yfir

VINDURINN

Vindurinn æðir
og opin hurð
í húsi þínu
skellist hrakalega
er hann grípur hana
hvað eftir annað

Fleygir til og frá

STJÖRNUR OG TUNGL

Reynir
að teygja
þig

í stjörnur
og tungl

er
glitra
á himni

Ná taki

HVERT FERÐU?

Hvert ferðu
þegar þú
hverfur héðan

og ég
sé þig
ekki lengur

Svífurðu
þá ef til vill
milli vetrarbrauta

ferðast
eins og
geimryk

ein í alheimi?

STERKT LJÓÐ

Að þér beinist
sterkt ljós

og þú
lítur
til himins

Sérð
þau nálgast

Skipin
sem komin
eru að
sækja þig

HEIMSÓKN Í VÆNDUM

Gægist út

og

sérð

þá nálgast

Verða

innan skammas

komnir að

húsi þínu

Þú horfir

grunar erindið

Bíður

Á FERÐ UM DAL

Þegar þú
ekur um
dalinn
með hólunum
óteljandi

býstu við
að sjá mann
á lopapeysu
og skinnskóm

feta sig
milli hólanna

eða
stíga út úr
einum þeirra

FRAM Á VIÐ

Hreyfist hægt

en

mjakast þó

frá

einum stað

til annars

Líkt og

snigillinn

sem kemst

þó hægt fari

UM GARÐ

Að ég gæti girt
garðinn minn

og lokað
svo kirfilega
að enginn kæmist út

og enginn kæmist inn

Ef ég ætti garð

Bara að ég ætti garð

ÞOKA YFIR BÆNUM

Þokan sem lúrir
yfir bænum
smýgur um allt

Skríður jafnvel
inn í augu þín

án þess að þú
takir eftir

fyr en
byrgir sýn

Í FJÖRU

Stóðum í
stórgrýttri fjörunni

Sólin dansaði
á spegilsléttum firðinum

Og
úr fötum okkar draup
saltur sjórinn

TÆRAR PERLUR

Tærar perlur

á vegi

þínum

vaxa

Lest í vasa

Skoðar

í góðu tómi